

Куч-адолатда

Ал ила олам юзин обод қил

2021 йил
6 август,
жума
№ 32 (857)

Ўзбекистон Республикаси Олий судининг ҳуқуқий газетаси

http://www.sud.uz

1998 йил 29 августдан чиқа бошлаган.

ЎЗБЕКИСТОН ПРЕЗИДЕНТИ ТУРКМАНИСТОНГА КЕЛДИ

Ўзбекистон Республикаси Президенти Шавкат Мирзиёев Туркменистон Президенти Гурбангули Бердимухамедовнинг таклифига биноан 5 август куни Туркманбоши шаҳрига ташриф буюрди.

Давлатимиз раҳбарини Туркменистон Вазирлар Маҳкамаси Раиси ўринбосари Эсенмурат Оразгелдиев ва бошқа расмий шахслар кутиб олди.

Авал хабар берилганидек, 6 август куни Ўзбекистон Президенти "Аваз" миллий сайёҳлик зонасида бўлиб ўтадиган Марказий Осиё давлатлари раҳ-

барларининг навбатдаги Маслаҳат учрашувида иштирок этади.

Президентимиз Шавкат Мирзиёев 2017 йилда Бирлашган Миллатлар Ташкилоти Бош Ассамблеясининг 72-сессиясида Марказий Осиё давлатлари раҳбарларининг мунтазам учрашувларини ўтказиш ташаббусини илгари сурган эди. У бarchа қўшни мамлакатлар томонидан қўллаб-қувватланиб, биринчи саммит 2018 йил март ойида Қозоғистон пойтахти Нур-Султон шаҳрида ўтказилган эди. Иккинчиси эса 2019 йил ноябрда Тошкент шаҳ-

рида бўлиб ўтди.

Навбатдаги саммитда, аввало, илгари эришилган келишувларнинг натижалари кўриб чиқилади. Минтақада барқарор ва изчил тараққиётни таъминлаш, савдони ривожлантириш, энергетика соҳасида шериклик учун қулай шароитлар яратиш, транспорт-коммуникация соҳасида ҳамкорликни кенгайтириш, пандемияга қарши биргаликда курашиш масалалари муҳокама қилинади.

Ўзбекистон Президенти ўз нутқида дўстлик ва яхши кўшничлик, ўзаро

ишонч ва кўмак муносабатларини янада мустаҳкамлашга қаратилган қатор ташаббусларни илгари суриши, умумий манфаатларга асосланган минтақавий ҳамкорликнинг янги истиқболли йўналишларини баён этиши кутилмоқда.

Саммит доирасида Марказий Осиё етакчи аёллари мулоқоти ва Иқтисодий форум, миллий маҳсулотлар кўргазмаси, миллий таомлар фестивали ҳамда санъат усталари концерти ҳам ўтказилади.

ЎзА

Ўзбекистон Республикаси Президентининг ҚАРОРИ

ЎЗБЕКИСТОНДА ЙИЛҚИЧИЛИК, ОТ СПОРТИ, ЗАМОНАВИЙ БЕШКУРАШ ВА ПОЛОНИ 2025 ЙИЛГАЧА РИВОЖЛАНТИРИШ ДАВЛАТ ДАСТУРИ ТЎҒРИСИДА

Ўзбекистон Республикаси Президентининг 2021 йил 11 мартдаги "Йилқиччилик ва от спортини янада ривожлантириш ҳамда замонавий бешкураш ва поло спорт турини омалаштириш бўйича қўшимча чора-тадбирлар тўғрисида"ги ПҚ-5024-сон қарорига мувофиқ, ушбу спорт турлари ривожланишининг яқин ва узоқ муддатли истиқболларини белгилаш ва омалаштириш, улар бўйича миллий терма жамоамизнинг Олимпия ва Паралимпия, Осиё ва Параосиё ўйинларида, жаҳон чемпионатларида ва бошқа йirik мусобақаларда иштирок этиши ва юқори натижаларга эришилишини таъминлаш мақсадида:

1. Куйидагилар:
Ўзбекистонда йилқиччилик, от спорти, замонавий бешкураш ва полони 2025 йилгача ривожлантириш давлат дастури (кейинги ўринларда — Давлат дастури) 1-иловага мувофиқ;
Ўзбекистонда йилқиччилик, от спорти, замонавий бешкураш ва полони 2025 йилгача ривожлантириш давлат дастури (кейинги ўринларда — Давлат дастури) 2-иловага мувофиқ;

Ўзбекистонда йилқиччилик, от спорти, замонавий бешкураш ва полони 2025 йилгача ривожлантириш давлат дастурининг мақсадли кўрсаткичлари (индикаторлари) (кейинги ўринларда — Мақсадли кўрсаткичлар) 3-иловага мувофиқ тасдиқлансин.

Белгилаб қўйилсинки, Давлат дастури эришилган натижалар, Мақсадли кўрсаткичлар ҳамда йилқиччилик ва от спорти, замонавий бешкураш ва полони омалаштириш бўйича тегишли даврга мўлжалланган асосий йўналишлардан келиб чиққан ҳолда Вазирлар Маҳкамаси қарори билан ҳар йили алоҳида алоҳида тасдиқланган "йўл хариталари" асосида босқичма-босқич амалга оширилади.

Туризм ва спорт вазирлиги (А.Абдухакимов) Миллий гвардия, Ветеринария ва чорвачиликни ривожлантириш давлат қўмитаси, Ўзбекистон Миллий олимпия қўмитаси, Ўзбекистон йилқиччилик ва от спорти федерацияси, Ўзбекистон замонавий бешкураш федерацияси, Ўзбекистон поло федерацияси билан биргаликда 2021

йил 1 декабрга қадар Давлат дастури 2022 йилда амалга ошириш бўйича "Йўл харитаси"ни Вазирлар Маҳкамасига киритсин.

2. Туризм ва спорт вазирлиги, Ветеринария ва чорвачиликни ривожлантириш давлат қўмитаси, Ўзбекистон Миллий олимпия қўмитаси, Ўзбекистон йилқиччилик ва от спорти федерацияси, Ўзбекистон замонавий бешкураш федерацияси, Ўзбекистон поло федерациясининг 2021-2025 йиллар давомида:

67 та болалар-ўсмирлар спорт мактабидан от спорти турлари, шу жумладан, замонавий бешкураш бўйича 52 та, поло бўйича 15 та бўлимлар ташкил этиш;

ҳар бир олимпия захиралари коллежида от спорти ва замонавий бешкураш бўлимларини ташкил этиш; наслли ва зотдор отларни кўпайтириш мақсадида Қорақалпоғистон Республикаси ва вилоятларда 170 та йилқиччилик хўжалиқларини ташкил этиш тўғрисидаги таклифлари маъқуллансин.

Бош вазир ўринбосари — туризм ва спорт вазири А.Абдухакимов Ўзбекистон йилқиччи-

лик ва от спорти федерацияси, Ўзбекистон замонавий бешкураш федерацияси ва Ўзбекистон поло федерацияси билан биргаликда:

2021/2022 ўқув йили бошлангунига қадар болалар-ўсмирлар спорт мактабларида от спорти турлари бўйича 8 та бўлим, 3 та олимпия захиралари коллежида от спорти бўлимлари очилишини таъминласин;

2021 йил 1 сентябрга қадар болалар-ўсмирлар спорт мактаблари ва олимпия захиралари коллежларининг от спорти турлари бўйича бўлимларини халқаро талабларга жавоб берадиган спорт анжомлари, жиҳозлари, кийимлари ва экиппинг маъмули ҳамда бошқа зарур воситалар билан таъминласин ва ушбу мақсадларга Туризм ва спорт вазирлигига ҳамда унинг тизимидаги спорт-таълим муассасаларига бюджетдан 2021 йил учун ажратилган маблағларнинг иқтисод қилинган қисминдан зарур маблағлар, шунингдек, ҳомийлик маблағларини йўналтирсин.

Бош вазир ўринбосари Ш.Ғаниев Ветеринария ва чорвачиликни ривожлантириш давлат қўмитаси, Қишлоқ хўжа-

лиги вазирлиги билан биргаликда бир ой муддатда йилқиччилик хўжалиқларини ташкил қилиш режаси, уларнинг аниқ жойлашган жойи, номи ва рўйхатини тасдиқласин.

3. Белгилансинки:
а) 2021/2022 ўқув йилидан бошлаб от спорти бўйича Республика олий спорт маҳорати мактабининг уста-чавондози, от парварилловчиси, такачиси, отхона бошлиги (бригадир), зоотехниги, ветеринар-шифокори, фельдшер-ветеринарлари меҳнатини рағбатлантиришга Вазирлар Маҳкамасининг 2010 йил 23 сентябрдаги "Спорт мактаблари фаолиятини ҳамда спорт мактаблари тренерлари ва мутахассислари меҳнатини моддий рағбатлантириш тизимини янада такомиллаштириш тўғрисида"ги 211-сон қароридан белгиланган шарҳлар татбиқ этилади. Бунда, уста-чавандоз, от парварилловчи, такачи, отхона бошлиги (бригадир) — тренерга, ветеринар-шифокор — шифокорга, зоотехник ва фельдшер-ветеринар — ҳамширага тенглаштирилади;

(Давоми 2-бетда) ▶

Олий Мажлис
Сенатининг ўн еттинчи
япи мажлисида

"Ўзбекистон
Республикасининг айрим
қонун ҳужжатларига
аҳолининг санитария-
эпидемиология



осойишталигини таъминлашга қаратилган ўзгаришлар ва қўшимча киритиш тўғрисида"ги қонун муҳокама қилинди ва маъқулланган. Қуни кеча давлатимиз раҳбари томонидан ушбу қонун имзоланиб, кучга кирди.

Долзарб мавзу

Оммавий вакцинацияни ташkil этиш

бу борадаги қонуний асослар
янада мустаҳкамланди

Маълумки, жаҳон соғлиқни сақлаш ташкилоти ҳамда халқаро экспертлар коронавирусга қарши курашиш ва унинг йўлқинларининг олдини олиш оммавий вакцинация орқали муваффақиятли ташкил этилиши мумкинлиги юзасидан тавсиялар берган. Ҳозирги кунга қадар мажбурий вак-

цинация амалиёти Франция, Греция, Австралия, Италия, Латвия, Россия, Қозоғистон, Тожикистон ва бошқа давлатларда жорий этилган. Таъкидлаш жоизки, жамоавий иммунитетни шакллантириш учун аҳолининг 60-80 фоизи эмланиши талаб этилади.

(Давоми 2-бетда) ▶


Мезон

Юридик таълим истиқболи

халқаро таълим

стандартларига уйғунлик

Мустақиллик ҳар бир мамлакат тарихида янги ислохотларни, фаровонликка элтувчи саъй-ҳаракатларни бошлаб бериши ҳамда инсонлар тафаккурида катта ижобий ўзгаришлар содир этиши билан беқиеҳ аҳамият касб этади.



Мамакатимиз мустақиллиги Тошкент давлат юридик университети ташкил этилиши ва унинг фаолиятида ҳам муҳим ўрин тутади. Ўтган 30 йиллик вақт мобайнида Тошкент давлат юридик университети юртимиз истиқлоли билан тенгдош ривожланиш даврини босиб ўтди. Бу муддат мазкур олий

ўқув даргоҳи учун юридик таълимни замон талабида такомиллаштиришда ўзига хос мактаб бўлди. Бугунги кунда ана шу тўп-ланган тажриба университет томонидан юқори малакали юридик кадрларни тайёрлаш ва қайта тайёрлаш масалаларида муҳим аҳамият касб этмоқда.

(Давоми 2-бетда) ▶

Маълумки, кундалик ҳаётимизни электр энергиясиз тасаввур этиб бўлмайди. Агар тармоқда бир соат узлиш юз берса, бизга ҳудди бир кундек, ҳатто бир суткадек туюлиб кетади. Аммо сув билан ҳаводек зарур бўлган ана шу бебаҳо неъматнинг ҳақини тўлашга келганда...

Мезон

Масъулиятсизлик суд бунга хусусий ажрим билан муносабат билдирди

Фаргона туманлараро иқтисодий судига "Фаргона худудий электр тармоқлари корхонаси" акциядорлик жамияти даъво аризаси билан мурожаат қилди. Унда Фаргона туманидаги "Mirzasharif Xalilov" фермер хўжалиги ўртасида электр энергияси етказиб бериш юзасидан 2316-сонли шартномаси имзоланган.

лағни ундириб бериш сўралган. Гап шундаки, 2020 йил 1 январда Фаргона тумани электр таъминоти корхонаси ва "Mirzasharif Xalilov" фермер хўжалиги ўртасида электр энергияси етказиб бериш юзасидан 2316-сонли шартномаси имзоланган.

(Давоми 3-бетда) ▶

Янги қонун моҳияти

Янги Ўзбекистон ва янги суд тизими

ушбу тизимнинг ҳуқуқий асослари янги қонунда мустаҳкамланган

Ҳар қандай давлатда мустақил суд ҳокимиятининг мавжудлиги инсон ҳуқуқ ва эркинликларини тўлиқ равишда таъминлашга қаратилган фуқаролик жамиятини ва демократияни барқарор ривожлантириш кафолати ҳисобланади. Бу, ўз навбатида, мамлакатнинг барқарор иқтисодий тараққиётини ва инвестицияларни жалб этиш нуқтаи назаридан жозибдорлигини таъминлашдаги муҳим омилдир.

Амалдаги "Судлар тўғрисида"ги қонун мустақиллигининг дастлабки йилларида ишлаб чиқилган бўлиб, унда суд тизимидаги чуқур ўзгаришлар тўлиқ акс эттирилмаган ва у замон талабларига жавоб бермасди. Шу сабабли жорий йил 28 июлда янги тахрирдаги "Судлар тўғрисида"ги қонун имзоланди.

Мазкур қонун билан одил судловнинг асосий принциплари ва суд ҳужжатларини қайта кўриш тартиби такомиллаштирилди.

Судьяларнинг мақоми, уларнинг мустақиллиги кафолатлари кучайтирилди. Судьялик лавозимига номзодлар ва сайланган шахсларга нисбатан қўйилган талаблар халқаро стандартларга уйғунлаштирилди.

Судьяларнинг интизомий жавобгарлиги қайта кўриб чиқилиб, судьялар ваколатларини тўхтатиб туриш, шунингдек, тугатиш асослари ва тартиби аниқлаштирилди. Судьяларнинг ижтимоий ҳимояси таъминланмоқда.

Энг муҳими, янги тахрирдаги қонуннинг қабул қилиниши мамлакатимизда суд тизимининг фаолият кўрсатиш тартибини ва судьялар мустақиллиги кафолатларини такомиллаштиришга, судьялик касбининг нуфузи ва обрў-эътиборини янада оширишга хизмат қилади.

Суд фаолиятини тартибга солувчи янги қонун

Мустаҳкам ҳуқуқий асос

Адолатли суд ҳокимияти бўлган жойда қонун ва адолат тамойиллари устувор бўлади. Бу мақсад йўлида, энг аввало, суд ҳокимияти мустақиллиги, суд жараёни иштирокчиларининг тенг ҳуқуқлилигини таъминлаш, одил судловга эришиш даражасини ошириш соҳадаги ислохотларнинг устувор вазифаларидан ҳисобланади.

Давлатимиз раҳбари Шавкат Мирзиёевнинг ташаббуси билан мамлакатимизда сўнгги беш йилда суд-ҳуқуқ тизимини тубдан ислох этишга қаратилган кенг қамровли ташкилий-ҳуқуқий чора-тадбирлар амалга оширилди.



Робаксон МАҲМУДОВА,
Олий суд раиси
биринчи ўринбосари

(Давоми 3-бетда) ▶

Сўнгги йилларда суд фаолиятини тартибга солувчи қатор норматив-ҳуқуқий ҳужжатлар қабул қилинди ва улар суд тизимини янги босқичга олиб чиқди.

2016 йил охирига келиб, мамлакатимизда судларни янада ихтисослаштириш, маъмурий судларни ташкил этиш, ихтисослашган судьяларни қатъий сақлаб қолган ҳолда ягона суд тизимини жорий этиш бўйича дадил қадамлар ташланди. Кейинги тўрт йилда қабул қилинган қўллаб-қувватлов ҳужжатлари "Янги Ўзбекистон — янги суд" даврини бошлаб берди.

Қуни кеча Президентимиз томонидан имзоланган янги тахрирдаги "Судлар тўғриси-

да"ги қонун юқорида қайд этилган тартибга солувчи қатор норматив-ҳуқуқий ҳужжатлар билан тўлдирилган "Судлар тўғрисида"ги қонун муқаддам қабул қилинган қонунлардан тубдан фарқ қилади. Қонун талаблари, ихтисослашувни қатъий сақлаш ҳолда, судларни бир тизимга солишда, судьяларнинг мустақиллиги, масъулиятини оширишда, суд босқичларига "бир суд — бир инстанция" тамойилини қўллашда муҳим аҳамият касб этади.

Суд ҳокимияти ва суд тизими фаолияти ҳуқуқий асосларини ўз ичига олган янги нормалар билан тўлдирилган "Судлар тўғрисида"ги қонун муқаддам қабул қилинган қонунлардан тубдан фарқ қилади. Қонун талаблари, ихтисослашувни қатъий сақлаш ҳолда, судларни бир тизимга солишда, судьяларнинг мустақиллиги, масъулиятини оширишда, суд босқичларига "бир суд — бир инстанция" тамойилини қўллашда муҳим аҳамият касб этади.

(Давоми 3-бетда) ▶



Жаҳонгир ЮЛДАШЕВ,
Олий суд Аппарати
раҳбари

